

## Siensex Yesu Mienh daic: Biopv Fai Buov

Tin-Hungh haih bun buov nyei sin panh nangh daaih nyei fai? Gorngv taux haih fai maiv haih, buov nyei sin Tin-Hungh haih bun panh nangh nyei. Hnamv mangc gaax siensex Giduc nyei mienh nangh mienh zuqc douz buov nyei mienh. Mienh daic buov se buov sin hngangv. Se gorngv zuqc buov daic se maiv haih fungx zoux, mv baac daic nyei mienh niv mbuo horpc zuqc buov nyei fai?

Buov fai biopv zaih dangc nziouv zanc m'daaih bun sin huv. Buov se liemh zeih bun sin huv nzengc. Biopv se manh manh bun sin huv, liuz mbungv corc se yiem nyei. Maiv gunv zuqc buov fai biopv Tin-Hungh maaih qaqv haih bun siensex Giduc nyei mienh daic mingh aengx panh nangh daaih nyei (1 Te<sup>^</sup>saa<sup>^</sup>lo<sup>^</sup>ni<sup>^</sup>gaa 4: 13-18)

**Gorngv taux siensex Yesu nyei mienh daic, mbuo oix mangc gaax ging-sou hngangv haaix nor gorngv taux, njaaux taux, mangc taux mienh daic yiem ging-sou nyei ziangh hoc mienh hngangv haaix nor zoux. Ninh mbuo buov fai biopv. Yie ganh nyei siensex fim nor se yie siensex gorngv mienh daic nor ging-sou njaaux gorngv oix zuqc biopv fai zangx.** *“Weic zuqc meih se nie benx daaih meih se nie, meih oix zuqc aengx benx nzunc nie aqv.”* (Tin<sup>^</sup>deic<sup>^</sup>douh 3:19) Naaiv biux mengh mbuo daic nyei sin se oix zuqc sueih sin ganh nzuonx benx nie, maiv horpc zuqc tengx sin benx nie siepv (fai buov).

Tin-Hungh gorngv mbuox Apc<sup>^</sup>laam, *“Meih ganh aeqv, oix ziangh duqv siouc nyuonh ndaauv, baengh orn nyei seix, zangx jienv.”*(Tin<sup>^</sup>deic<sup>^</sup>douh 15:15). *“Apc<sup>^</sup>laa<sup>^</sup>ham dorch ninh nyei auv, Saalaa, mingh zangx yiem Makv<sup>^</sup>be<sup>^</sup>laa nyei mbaengx-kuotv...”* (Tin<sup>^</sup>deic<sup>^</sup>douh 23:19). Isack caux I<sup>^</sup>saa<sup>^</sup>maa<sup>^</sup>en dorch Apc<sup>^</sup>laa<sup>^</sup>ham mingh zangx mbaengx-kuotv nitv Saalaa (Tin<sup>^</sup>deic<sup>^</sup>douh 25:9,10). Ging-sou gorngv taux nziex dauh daic mingh ninh mbuo dorch mingh zangx (Rachel, Leah, Isaac, Rebekah, Jacob, Miriam, Aaron, Joshua, Gideon, Samson, Samuel, David, Solomon, Elisha, aengx maaih camv dauh nyei). Ging-sou gorngv, *“Yosepv ziangh yietc baeqv ziepc hnyangx yiem wuov I<sup>^</sup>yipv deic bung jiex seix mi<sup>^</sup>aqv. Ninh mbuo zorqv sei ziemx jienv ndie-wuom bun maiv haih huv, maiv haih zueix, yiem wuov I<sup>^</sup>yipv deic bung dapv jienv benv aqv.”* (Tin<sup>^</sup>deic<sup>^</sup>douh 50:26). Mbuo hiuv duqv Tin<sup>^</sup>deic<sup>^</sup>douh 50:25 Yo<sup>^</sup>sepv oix nzuonx seix ninh heuc I<sup>^</sup>saa<sup>^</sup>laa<sup>^</sup>en mienh laengz jienv *“oix zuqc dorch jienv yie nyei mbungv bienh jienv mingh”* dongh ninh mbuo cuotv I<sup>^</sup>yipv nyei ziangh hoc.

Gengh hungh heic nyei bun I<sup>^</sup>saa<sup>^</sup>laa<sup>^</sup>en mienh buov liuz Yo<sup>^</sup>sepv nyei sin dorch jienv jienv gan ninh mbuo cuotv I<sup>^</sup>yipv...mv baac ninh mbuo maiv hngangv naaic zoux. (Tin<sup>^</sup>deic<sup>^</sup>douh 50:2-3; Cuotv <sup>^</sup>i<sup>^</sup>yipv 13:19) Mose dorch jienv Yosepv nyei mbungv cuotv; Yo<sup>^</sup>su<sup>^</sup>waa 24:32; Hipv<sup>^</sup>lu 11:22).

Tin-Hungh ganh biopv Mose yiem wuov Ne<sup>^</sup>mbuo mbong, *“Ziouv nyei bou, Mose, ziouc yiem Mo<sup>^</sup>apc Deic-Bung nzuonx seix hngangv Ziouv gorngv wuov nor. Ziouv ziouc zorqv ninh nyei sei zangx jienv wuov Mo<sup>^</sup>apc Deic, yiem Mbetc Be<sup>^</sup>o Zingh doix-ngaanc nyei horngz, mv baac taux ih jaax hnoi maiv maaih haaix dauh hiuv duqv ninh nyei zouv yiem haaix.”* (Nzamac Leiz-latc 34:5, 6). Se gorngv Tin-Hungh oix buov nor naaiv ninh

zungv haih buov weic gauh bun mienh maiv hiuv duqv ninh nyei zouv yiem haaix **mv baac** Tin-Hungh maiv buov ninh zorqv mingh zangx.

I<sup>^</sup>saa<sup>^</sup>laa<sup>^</sup>en mienh zangx caux mbuo ih hnoi biopv nyei se maiv nangh fih hngangv. Ninh dorh mingh zangx baengx-kuotv, maiv hngangv mbuo biopv njiec ndau. Maiv gunv zangx fai biopv eix-leiz longc jienv jiex se gorngv sin se maiv longc doux buov zoux waic. Sin se ziangh dauh nyei biopv fai zangx.

Doix-dekc taux Ging-sou, maaih zangc zienh nyei mienh camv buov daic nyei mienh, maaih deic corc buov ziangh jienv nyei mienh. Maaih yietc norm dorngx Tin-Hungh nyei mienh buov mienh yiem **Yo<sup>^</sup>su<sup>^</sup>waa 7:24-25**, “*Yo<sup>^</sup>su<sup>^</sup>waa gorngv, Meih weic haaix diuc dorh zeqc naanc daaih bun yie mbuo? Ih hnoi Ziouv oix bun meih zuqc zeqc naanc aqv. Zuangx I<sup>^</sup>saa<sup>^</sup>laa<sup>^</sup>en Mienh ziouc longc la'bieiv zong ninh daic. Liemh ninh nyei biau v zong mienh caux ninh nyei jaa-dingh ga'naaiv yietc zungv ninh mbuo longc la'bieiv zong yaac longc douz buov nzengc. Zuangx mienh aengx zorqv la'bieiv ndui jienv Aa<sup>^</sup>kaan nyei sei benx yietc domh ndui la'bieiv taux ih jaax hnoi. Nqa'haav Ziouv nyei ga'qiex fiu. Weic naaiv deix sic taux ih jaax hnoi mienh heuc wuov norm dorngx zoux Aa<sup>^</sup>ko Horngz.*” Naiv buov weic Tin-Hungh dingc Aa<sup>^</sup>kan.

Yiem siang-ngaengc waac nyei ziangh hoc, mbuo buac tengx mienh jiex leiz wuov dauh Yo<sup>^</sup>han, Ananias, Sapphira, Stephen caux Yesu mbuo yietc zungv zangx yiem la'beiv kuotv (**Matv<sup>^</sup>tai 27:58-60**). **Dorh daic nyei mienh mingh zangx fai biopv se jienv weic biux mengh taux hnamv caux tongx-nimc.**

Biopv biux mengh taux taaih fai tongx nimc taux daic wuov dauh nyei sei. Biopv se sueih sei ei jienv zeix-tin-deic zeix ziangx nyei ga'naaiv cuotv (natural process to occur), baamh mienh maiv tengx jaa siepv bun sin huv. Zien nyei daic nyei sin maiv hiuv haaix nyungc, mv baac sin zinh ndangc benx Tin-Hungh zeix daaih benx Singx Lingh nyei dinc (**1 Ko<sup>^</sup>lin<sup>^</sup>to 6:19**), Daic wuov zanc lingh wuonh leih sin (**Yaagorpc 2:26; Lugaa 8:52-56**) Weic Tin-Hungh zeix mbuo nyei sin, maiv gunv gorngv lingh wuonh leih sin, sin daic, mv baac mbuo maiv horpc zuqc zoux haaix nyungc hoic sin, horpc zuqc sueih sin ganh huv weic zuqc biopv. Weic Tin-Hungh ganh zeix mbuo nyei sin, Tin-Hungh ganh hngangv horpc horpc zoux bun mbuo nyei sin ei ninh ganh nyei za'eix.

Zangc zienh nyei mienh buov ninh mbuo daic nyei mienh, Tin-Hungh nyei mienh yiem ging-sou zangx ninh mbuo daic nyei mienh. Zinh ndangc nyei jiu-baang mienh “*Maaih deix gan longx Tin-Hungh nyei mienh dorh Saa<sup>^</sup>te<sup>^</sup>fen nyei sei mingh zaangx/biopv, hnyouv nzauh haic, njiec qaqv nyiemv mbiouh mbiouh nyei.*”(Gong-zoh 8:2). Yesu ganh yaac biop, “*Yie ganh zipv daaih nyei yie zunh mbuox meih mbuo mi'aqv. Gauh longc jienv jiex nyei se hngangv Ging-Sou fiev jienv gorngv nor, Giduc weic mbuo nyei zuiz daic. 4 Yaac hngangv Ging-Sou gorngv, **ninh zuqc biopv jienv**. Taux da'faam hnoi Tin-Hungh aengx bun ninh nangh daaih. (1 Ko<sup>^</sup>lin<sup>^</sup>to 15:3-4). Mbuo jiex wuom nyei leiz, “*Jiex wuom nyei leiz mbuo caux **Giduc daic mingh biopv jienv weic bun mbuo duqv siang-ziangh maengc...**” (Lomaa 6:4; Ko<sup>^</sup>lo<sup>^</sup>si 2:12).*”*

Yiem Ging-sou zuqc douc buov bin maaih eix-leiz gorngv taux Tin-Hungh dingc zuiz. “Tin-Hungh yaac dingc So^ndom caux Go^mo^laa zingh nyei zuiz, longc douc buov qui nzengc, zoux nyungc zeiv bun maiv gan Tin-Hungh wuov deix mienh zieqv duqv ninh mbuo oix zuqc buangh nyei.” (2 Bide 2:6), “Aalon nyei dorn, Naa^ndapc caux Aa^mbi^hu...maiv ziux Ziouv hatc nyei waac zoux...Ziouv bun douz cuotv daaih buov ninh mbuo ninh mbuo ziouc yiem Ziouv nyei nza^hmien daic mi^aqv.” (Lewi 10:1,2), Kolaa caux 250 dauh mienh “Aengx maaih douz yiem Ziouv cuotv daaih buov cui nzengc dorh hung mingh fongc horc wuov deix nyic baeqv hmz ziepc dauh mienh.” (Saauv mienh 16:35). Mose buov yuqc mienh zoux daaih nyei ngongh dorn, morc benx mbuonv daaih hiaamx jienv wuom aapv mienh hopv (Cuotv^i^yipv 32:20; Deut. 7:25) Siensex Yesu mienh yiem E^fe^so zingh buov ninh mbuo nyei faatv-sou (Gong-zoh 19:18-19). “Se gorngv haaix dauh nyei mbuox maiv fiev jienv ziangh maengc daan, wuov dauh ziouc zuqc zoi njiec douz-koiv.(Laauc Yaangh 20:15)

Zien zien siensex Yesu nyei mienh maiv zuqc dingc zuiz, yaac maiv zoi njiec douz koiv (Laauc Yaangh 20:14). Weic zuqc duqv yiem douz biaux cuatv daaih aqv (1 Ko^lin^to 3:15). Maiv zuqc yiem douz koiv, dauh dauh oix duqv zingh nyeic ei gorqc mienh ganh zoux nyei weic Tin-Hungh.

Buov daic mingh nyei mienh nyei sin buate maiv caux Ging-sou doix-diuc, yaac maiv zuotc zinh ndangc yiem loz ging-sou zoux nyei caux zinh ndangc jiu-baang (siang-ging-sou) zoux nyei nyungc zeiv. Buov sin yaac maaih eix-leiz dorngc fai biux mengh taux dingc zuiz nyei jauv.

Baulo gorngv taux daic mingh nyei mienh hangh daaih hngangv haaix nor, “Daic mingh nyei mienh nangh daaih se hngangv naaiv aqv. **Biopv nyei sin** haih huv nyei. Daic mingh aengx nangh daaih nyei sin maiv haih huv aqv. 43 Zuqc **biopv nyei sin se aqc mangc**. Nangh daaih nyei sin se nzueic nyei. Zuqc **biopv nyei sin se mau**. Nangh daaih nyei sin se henv. 44 Zuqc **biopv nyei sin se orv sin**. Nangh daaih nyei sin se Singx Lingh bun maaih maengc nyei sin. Se gorngv maaih orv sin, ziouc maaih Singx Lingh bun maaih maengc nyei” (1 Ko^lin^to 15: 42-44).

**Biopv wuov joux waac dorh daaih beiv taux biopv nyim nyei fangx. Buov nyim fai biopv nyim...buov daic mingh nyei sin fai biopv daic mingh nyei mienh nyei sin. Buov nyim se maiv bieqc douc ging-sou njaaux nyei waac. Zuangx nyim nyei mienh maiv buov liuz zuov jienv bun nyim aengx cuotv, ninh mbuo biopv jienv (1 Ko^lin^to 15:37-38)** Maiv gunv buov fai biopv nyim m^daaih zuqc huv nyei, mv baac biopv jienv nyim huv cingx haih guqc nyaah. Weic naaiv mbuo yaac fih hngangv nyei, mv gunv buov fai biopv sin m^daaih zuqc huv nyei, mv baac mbuo biopv weic bun haih goiv yienc hngangv guqc nyaah. (1 Te^saa^lo^ni^gaa 4:13-18)

Zangc zienh nyei mienh oix leih nqoi ninh mbuo nyei sin weic sin hoic ninh mbuo daic ziouc leih nqoi buov guangc mi^aqv. Mv baac Siensex Yesu Giduc nyei mienh zuov jienv Ziouv yiem Tin-dorngc daaih “wuov zanc Ziouv ganh ziouc yiem wuov tin-dorngc njiec daaih maaih qiex hatc mbui nyei, aengx maaih fin-mienh bieiv nyei qiex yaac maaih Tin-hungh nyei nzatc mbuo. **Siensex liuz Giduc, daic mingh wuov deix, ziouc panh nangh**

*ndaangh...* ” (1 Te<sup>saa</sup>lo<sup>ni</sup>ga 4:16-17) Siensex liuz Giduc daic mingh nyei mienh aengx duqv panh nangh daaih, wuov nyungc aeqv, buov se buativ maiv horpc weic Tin-Hungh ganh zeix mbuo nyei sin daaih.

Maaiah mienh haih gorngv, biopv fai buov se sueih mienh, sueih fingx, sueih dorngx, sueih nyanh gauv...Ging-sou mengh nyei njaaux taux Giduc nyei mienh zoux nyei yaac lengc caux maiv siensex Giduc nyei mienh caux zangc zienh nyei mienh zoux. Siensex Giduc nyei zangx fai biopv, maiv siensex nyei camv nyei buov. Buov yiem Giduc nyei nza<sup>hmien</sup> maaiah eix-leiz gorngv taux dingc zuiz. Yiem ging-sou njaaux nyei se maiv zeix mienh fingx zoux nyei mv baac siensex Giduc mienh zoux nyei.

Maaiah mienh gorngv biopv jaaix haih, buov gauh zaanc...maiv gunv zanc fai jaaix naaiv se maiv zeix benx Giduc mienh longc ndorqc nyei. Biopv yaac maaiah dorngc zaanc nyei. Jienv se oix zoux horpc Tin-Hungh nyei hnyouv, yiem puix siensex Tin-Hungh nyei mienh, ei ging-sou zoux.

Maiv maaiah yietc norm dorngx gorngv mbuo oix zuqc buov siensex Giduc daic nyei mienh. Weic zuqc maiv maaiah dorngx gorngv yie siensex gorngv maaiah camv norm dorngx camv nyungc zeiv biux mengh taux biopv nyei. Weic naaiv meih hoqc liuz, zaah mangc liuz gengh horpc zuqc ei jienv zoux (Yo<sup>han</sup> 14:21)

Maaiah camv nyei Giduc mienh maiv zaah ging-sou, yaac maiv hiuv taux daic liuz “Biopv fai Buov” nyei jauv, mbuo hiuv duqv Tin-Hungh haih bun buov nyei sin panh nangh daaih nyei. Yie mauv nyei se maiv oix bun haix dauh cai fai gaqv zoux jiex daaih nyei, fai nzauh taux buov liuz jiex daaih nyei, maiv zeix gorngv hoic, zoux bun maiv lamh hnamv dorngx fai...**Yie nyei muoz deic caux mauv nyei se oix zoux horpv, zoux puix, zoux ei Ziouv yiem naaiv mingh wuov douc.**

## Naanc Zingh nyei Sic

### Tin-Hungh weic haaix diuc bun baamh gen maaih naanc zingh

#### Jiex gorn waac:

1. Maaih yietc joux waac-naaic, doic-doic mienh naaic taux: “Weic haaix nyungc baamh mienh zuqc buangv naanc zingh, zuqc diev kouv, zuqc hnyouv mun, zuqc daic?”
2. Yopv naaic naaiv joux waac, Lanh lanh mienh buangh zuqc naanc zingh nyei ziangh hoc yaac naaic.
3. Yie ganh nyei diex maac yaac naaic naaiv joux waac Tin-Hungh weic zuqc yie nyei youz zuqc mienh buonv, liemh qiex yaac maiv haih tauv, longc dienx tengx tauv hngangv. Yie mbuo ziangh biauuv mienh longc ziangh hoc, longc qaqv, longc nyungc-nyungc dongh haih nyei tengx...guangc nzengc nyungc-nyungc yie mbuo zoux nyei daaih mangc ninh, tengx ninh...
4. Dongh yie mbuo nyei hmuangv doic duqv hoqc jiex daaih yie oix dorh daaih orn meih mbuo nyei hnyouv gorngv Tin-Hungh njaaux haaix nyungc yie mbuo nyei hmuangv doic dongh yie nyei youz longc dienx tengx tauv qiex nyei ziangh hoc...(Yie nyei youz Saan nyei zingh ginx: Ninh haih yangh jauv nyei ziangh hoc, ninh mingh jiu-baang nyei mv baac mingh zoux leiz hngangv, maiv baaix maiv buoqc zangc Tin-Hungh; dongh ninh mbai mingh, liemh qiex ganh zungv maiv haih tauv nyei ziang hoc ninh cingx sienx Yesu, yiem naaic daaih maiv gunv ninh maiv haih yangh jauv, ninh duqv caux Yesu yangh, ninh nzuonx seix yiem juov hlaax 11, 2001 wuov hnyangx. )

Tin-Hungh njaaux yie mbuo nyei hmuangv doic 8 nyungc taux naanc zingh nyei jauv.

5. Mouz dauh mienh oix hiuv duqv gorngv **Haaix dauh bun maaih naanc zingh cuotv daaih? Naanc zingh nyei gorn? Mbuo hngangv haaix nor haih mbenx jienv ndaangc mbuo buangh nyei?**

#### **I. Da'yietv nyungc** Tin-Hungh njaaux yie mbuo taux naanc zingh nyei jauv se : **NAANC ZINGH BUN MBUO MAIV HANC BAAMH GEN!**

- A. Ging-sou gorngv mbuox mbuo, mbuo yiem naaiv baamh gen se hngangv kaeqv mienh yiem ganh norm deic bung daaih nyei mienh
  1. Naaiv norm baamh gen se maiv zeiz mbuo nyei biauuv. Yesu nzuonx mingh mbenc longx nyei dorngx zuov jienv mbuo (**Yo<sup>h</sup>an 14:1-3** “*Yesu aengx gorngv, “Maiv dungx hnyouv huaang hnyouv nzauh. Oix zuqc sienx kaux Tin-Hungh yaac sienx kaux yie. 2 Yie nyei Die nyei biauuv maaih yiem nyei dorngx camv nyei. Se gorngv maiv maaih yie zungv mbuox meih mbuo mi'aqv. Yie yaac mingh liuc leiz dorngx bun meih mbuo yiem. 3 Yie mingh liuc leiz ziangx dorngx bun meih mbuo yiem, yie aengx daaih dorh meih*

*mbuo mingh caux yie yiem wuov. Yie yiem haaix meih mbuo ziouc caux yie yiem wuov.”*

2. Baamh gen maiv zeiz mbuo yietc liuz yiem nyei dorngx **1 Bide 2:11** “*Hnamv nyei gorx youz aac, meih mbuo yiem naaiv baamh gen zoux ganh norm deic bung daaih nyei kaeqv mienh. Yie ziouc kuinx meih mbuo maiv dungx sueih ganh nyei hnyouv hanc zoux. Ganh nyei hnyouv hanc nyei kungx caux lingh wuonh mborqv jaax hnangv.”; Hipv-lu 13:14* “*Weic zuqc yiem naaiv baamh gen mbuo maiv maaih yietc liuz wuonv nyei zingh, mbuo lorz nqa’haav hingv oix daaih wuov norm zingh”; 2 Ko-lin-to 5:1,5* “*Mbuo hiuv duqv mbuo yiem jienv naaiv norm baamh gen nyei ndopv-liuh, dongh mbuo nyei sin, zuqc caeqv wuov zanc, yiem wuov Tin-dorng Tin-Hungh oix bun norm maiv zeiz mienh zoux daaih nyei biauv mbuo yiem, se yietc liuz nyei biauv.”*

#### **B. SE GORNGV MAIV MAAIH NAANC ZINGH NOR...**

1. Maiv maaih haaix dauh oix leih naaiv norm baamh gen, maiv gunv gorngv yiem camx baav nyei dorngx hnangv.
2. Maiv maaih haaix dauh oix mingh yietc liuz yiem nyei biauv, liuz yaac maiv mbenc ganh weic mingh yietc liuz yiem nyei dorngx

## **II. Da’nyeic nyungc Tin-Hungh njaaux yie mbuo taux naanc zingh nyei jauv se NAANC ZINGH HAIH BUN LONGX NYEI SIC CUOTV DAAIH**

### **A. YIE MBUO NYEI HMUANGV DOIC BUATC**

1. Bun yie mbuo nyei hmuangv doic gauh nitv Tin-Hungh, gauh bangc Tin-Hungh, yaac bun Jiu-baang mienh muoz, caux muoc-doix maaih qiangx biux mengh ninh mbuo nyei hnamv bun yie mbuo nyei hmuangv doic...gorngv orn ziex nyungc.
2. Lanh guangc jienv dongh ganh funx jienv nyei jauv weic ganh dauh, hnamv taux mienh nyei nza’hmien buonc gauh cauv hnamv taux ganh nyei.

### **B. MBUO IH JAAX HNOI YAAC BUATC LONGX NYEI SIC CUOTV DONGH MIENH BUANGH ZUQC NAANC ZINGH NYEI ZIANGH HOC.**

1. Wuom yiemz fai ndau dongz, biauv waaic nzengc mv baac lanh corc maaih hnyouv tengx lanh.
2. Butv domh baengc yaac bun qiangx ganh dauh ngoi hnyouv tengx.

### **C. LOZ-HNOI NYEI JIU-BAANG MAAIH ORN LORQC DONGH NINH MBUO BUANGH ZUQC NAANC ZINGH NYEI ZIANGH HOC.**

1. Ninh mbuo bieqc hnyouv gorngv naanc zingh haih tengx ninh mbuo hlo yiem Giduc.
2. Baulo fiev yiem **Lomaa 5:3-4** “*Maiv daan naaiv hnangv, maiv gunv mbuo maih naanc zingh, mbuo orn lorqc haic weic zuqc mbuo hiuv duqv naanc zingh bun mbuo maaih noic diev duqv. Mbuo maaih noic*

*diev, Tin-Hungh ziouc buac horpc hnyouv, mbuo cingx daaih maaih lamh hnamv.”*

**III. Da’faam nyungc** Tin-Hungh njaaux yie mbuo taux naanc zingh nyei jauv se **NAANC ZINGH (SE GORNGV DIEV DUQV NOR) ZOUX BUN WIN-WANGV SEKV**

**A. JANGX JIENV YOPV**

1. Sadaan oix gox Tin-Hungh gorngv Yopv fuh sux Tin-Hungh weic Tin-Hungh ceix fuqv bun Yopv (Yopv 1:9 “*Yopv taaih Tin-Hungh se baeqc baeqc taaih nyei fai?*”)
2. Mv baac Yopv diev jienv ninh buangh nyei naanc zingh, zoux bun Sadaan sekv, Zoux zorong-zengx gorngv Sadaan gox nyei maiv maaiv gorn-ndoqv

**B. TIN-HUNGH OIX MBUO ZOUX KUV SIC DANGV JIENV HNGONGX NYEI MIENH GORNGV NYEI PA’LI PA’LAAIX WAAC – 1 Bide 2:15**

1. Maaih mienh gorngv doqc kuv fienx
2. Maaih mienh gorngv doqc sienx Giduc nyei mienh
3. 1 Bide 2:15 “*Tin-Hungh nyei za’eix se oix meih mbuo zoux kuv sic dangv jienv hngongx nyei mienh gorngv nyei pa’li pa’laaix waac.*”

**IV. Da’feix nyungc** Tin-Hungh njaaux yie mbuo taux naanc zingh nyei jauv se **NAANC ZINGH ZOUX BUN BUANGV HNYOUV MBUO MAAIH NYEI**

**A. MBUO DAUH DAUH DUQV ZIPV ZIEX NYUNGC TIN-HUNGH NYEI FUQV**

1. Hungheic nyei bun mbuo la’kuqv Tin-Hungh nyei en zingh
2. Laengz zingh nyungc-nyungc mbuo duqv zipv nyei.

**B. NAANC ZINGH TENGX MBUO GAUH LAENGZ ZINGH DONGH MBUO MAAIH NYEI.**

1. Sin wangc siangx, maaiah hmuangv doic, maaiah doic
2. Longx nyei nyungc zeiv gorngv naanc zingh haih bun mbuo laengz zingh dongh mbuo maaiah nyei se Baulo yiem wuov loh. **Fi^lipv^poi 1:3-8** “*Yie haaix zanc jangx taux meih mbuo, yie weic meih mbuo laengz zingh yie nyei Tin-Hungh...*”

**V. Da’hmz nyungc** Tin-Hungh njaaux yie mbuo taux naanc zingh nyei jauv se **NAANC ZINGH ZOUX BUN MBUO BAANGC KAUX TIN-HUNGH, MAIV KAUX GANH**

**A. CAMV NZUNC NYEI MBUO LAIC DUQV GORNGV MBUO MAIV QIEMX ZUQC HAAIX DAUH**

1. Nyungc zeiv se butv baengc, ndie sai yaac maiv haih zorc aqv, ninh mbuo nyei za'eix juotc mi'aqv...baamh mienh maiv maaiah za'eix aqv...
2. "...Mbuo ziouc zieqv duqv gorngv mbuo ndongc haaix qiemx zuqc Tin-Hungh yaac bangc ninh ndongc haaix camv."

**B. MAIV MAAIH ZIANGH HOC HNANGV NAAIV...**

1. Mbuo bangc kaux Tin-Hungh bun mbuo taux nyei diem-diemv qiex
2. Baulo gorngv, "*Mbuo yiem ninh ziangh jienv, haih nangh, haih mingh mingh daaih daaih*" (**Gong-zoh 17:28**)

**VI. Da'luoqc nyungc** Tin-Hungh njaaux yie mbuo taux naanc zingh nyei jauv se **NAANC ZINGH TENGX SINX MBUO NYEI SIENX FIM.**

**A. MANGC NAAIV DEIX I ZIEX YIEMC GING-SOU**

1. **1 Bide 1:6-7** – "*Weic naaiv meih mbuo oix zuqc orn-lorqc haic, maiv gunv ih zanc zuqc seix, siouc camv-nyungc kouv naanc, nzauh caamx baav. Naaiv deix sic se weic bun cing meih mbuo zien-zien nyei sienx. Sienx fim se gauh jaaix jiex jiem. Maiv gunv jiem haih zitc corc oix zuqc longc douz sinx. Hnangv naaic, oix zuqc seix mangc meih mbuo nyei sienx fim. Taux Giduc aengx daaih wuov hnoi, Tin-Hungh Ziouc ceng meih mbuo taaih meih mbuo, bun meih mbuo duqv njang-laangc. Naanc zingh tengx sinx mbuo nyei sienx fim.*
2. **Yaagorpc 1:2-5** "*Yie nyei gorx-youz aac, meih mbuo buangh zuqc nyungc-nyungc kouv naanc oix zuqc funx benx njien-yauh nyei sic. Weic zuqc meih mbuo hiuv duqv buangh naaiv deix sic se siex mangc meih mbuo nyei siex fim, weic bun meih mbuo maaiah noic diev duqv. Oix zuqc longc noic diev taux daauh weic bun meih mbuo haih benx dunh yunh nzoih nyei mienh, maiv caa yietc nyungc...*"  
Naanc zingh haih tengx mbuo nyei sienx fim hlo.

**B. NYUNGC ZEIV YIEM YIE MBUO NYEI HMUANGV DOIC.**

1. "Maaiah ziex nzunc yie mbuo hnamv taux jiex daaih nyei jauv zaah yie mbuo nyei maengc...nyiemc yiem mbuo nyei zuiz weic yie mbuo zoux ziex nyungc piatv
2. Yie mbuo maiv oix bun zuiz nqaevv jienv yie mbuo nyei daux gauh waac dongh yie mbuo daux gauh weic yie mbuo nyei hmuangv doic.
3. Gengh jienv bun mbuo yiem Tin-Hungh nza'hmien ziepc zuoqv nyei yaac zingx bun mbuo gan. Yie mbuo yietc biauv mienh weic yie nyei youz Saan buangh nyei naanc zingh zoux bun yie mbuo gauh nitv fatv gauh bungz hnyouv Tin-Hungh. Yie mbuo hiuv duqv Tin-Hungh gengh kaux duqv wuonv yiem buangh zuqc sic nyei ziangh hoc.



**VII. Da'cietv nyungc** Tin-Hungh njaaux yie mbuo taux naanc zingh nyei jauv se **NAANC ZINGH ZOUX BUN MBUO GAUH HAIH KORH LIENH MIENH**

**A. BAULO GORNGV TAUX NAANC ZINGH DUQV NYEI**

1. **2 Ko^lin^to 1:3-4** “*Mbuo oix zuqc ceng mbuo nyei Ziouv Yesu nyei Die, Tin-Hungh, dongh korh lienh mienh nyei Zangc Diex, Yaac zanc-zanc orn mbuo nyei hnyouv nyei Tin-Hungh. Mbuo maaih nyungc-nyungc kuonx naanh ninh orn mbuo nyei hnyouv, weic bun mbuo aengx haih orn buangh zuqc haaix nyungc kuonx naanh nyei mienh nyei hnyouv. Tin-Hungh hhangv haaix nor orn mbuo nyei hnyouv, mbuo yaac hhangv wuov nor haih orn mienh nyei hnyouv.*”
2. Mbuo buangh naanc zingh haih tengx mbuo gauh haih tengx ganh dauh dongh ninh mbuo buangh zuqc nyei ziangh hoc.

**B. MBUO MAIV HAIH BIEQC HNYOUV MIENH BUANGH NYEI SIC CUOTV LIUZ MBUO YAAC DUQV BUANGH JIEX**

1. Mbuo buangh naanc zingh weic haih orn ganh dauh mienh.
2. Buangh zuqc nyei kouv naanc...
  - a. Bun mbuo haih caux jienv mienh nzauh" – **Loma 12:15** “*Mien njien-youh, oix zuqc caux jienv njien-youh. Mienh nyiemv oix zuqc caux jienv nyiemv.*”
  - b. Bun mbuo gauh haih tengx mienh.

**VIII. Da'betv nyungc** Tin-Hungh njaaux yie mbuo taux naanc zingh nyei jauv se **NAANC ZINGH NJAAUX MBUO HNANGV HAAIX NOR DAUX GAUX**

**A. MBUO DAUX GAUX NYEI LORQC, MV BAAC...**

1. Mbuo daux gaux liuz nyanc hnaangx, daux gaux liuz bueix, daux gaux jiex sin (yie jangx taux yie nyei auv yungz gu'nquaaz nyei ziangh hoc, gu'nquaaz maiv daaih, yietc hnoi yie daux gaux gauh camv jiex yie yietc gau daux gaux nyei yaac maaih nyei.)
2. Naanc zingh bun mbuo daux gaux duqv horpc

**B. YIEM NAANC ZINGH MBU'NDONGX MBUO HOQC HNANGV HAAIX NOR DAUX GAUX.**

1. "Ziepc zuoqv nyei, diev jienv nyei daux gaux
2. "Njunh jienv nyei" (**Lomaa 8:26** “*Fih hhangv nyei, mbuo mau haic, Singx Lingh njunh jienv gorngv maiv cuotv waac tengx mbuo tov Tin-Hungh*)

**C. YIEM YIE MBUO NYEI HMUANGV DOIC NYEI MAENGC**

1. "Sienx liuz Yesu daux gaux nyei...mv baac maiv hhangv dongh yie mbuo buangh zuqc naanc zingh nyei ziangh hoc.
2. "Jiex daaih naaiv deix i ziex hnyangx, Yie mbuo nyei hmuangv doic bieqc hnyouv taux daux gaux nyei jauv gauh camv jiex 15 hnyangx jiex daaih nyei ziangh hoc. Yie

mbuo nyei daux gaux yienc maiv hnavgv zinh ndangc nor...yaac ganh nyungc daux gaux, maiv hnavgv zinh ndaangc nor aqv...yie mbuo jiex gorn jough Tin-Hungh dingh maiv zunc hnavgv zinh ndaangc nor.

**Nzutv zunv gorngv:**

1. Mbuo haih jiex gorn buac yaac bieqc hnyouv gorngv weic haaix diuc Tin-Hungh bun sienx ninh nyei mienh maaih, fai buangh naanc zingh. Mbuo yaac buac Tin-Hungh nyei korh lienh hnyouv caux ninh ziepc zuoqv nyei laangh fim.
2. Se gorngv mbuo mangc “naanc zingh” yiem baamh mienh nyei m’zing nor mbuo maiv haih bieqc hnyouv weic haic nyungc mbuo zuqc buangh zuqc naanc zingh.
3. Mbuo oix jangx jienv Isaiah nyei waac: I<sup>^</sup>saa<sup>^</sup>yaa 55:8-9“Ziouv gorngv, Yie hnamv nyei sic se maiv hnavgv meih mbuo hnamv nyei. Yie nyei jauv yaac maiv hnavgv meih mbuo nyei jauv. 9 Weic zuqc lunglunh leih ndau ndongc haaix hlang, yie nyei jauv leih meih mbuo nyei jauv, yie hnamv nyei sic yaac leih meih mbuo hnamv nyei sic ndongc wuov hlang.
4. Se gorngv mbuo mangc “naanc zingh” nyei sic tong Ziouv nyei m’zing nor mbuo jiex gorn buac yaac bieqc hnyouv taux weic haaix diuc mbuo maaih naanc zingh. Tin-Hungh mbenx jienv mbuo.....
5. Mbuo oix zuqc jangx jienv, mbuo buangh naanc zingh se maiv zeix gorngv Tin-Hungh maiv hnamv mbuo...ninh hnamv mbuo camv: **Lomaa 8:35-39**  
*“Giduc hnamv mbuo, haaix nyungc zoux bun mbuo nqaevq ndutv? Naanc zingh fai? Kuonx hnyouv nyei sic fai? Zuqc mienh zoux doqc fai? Ngorc hnaangx fai? Laaix jomc maiv maaih lui-houx zuqv fai? Haih hoic maengc nyei sic fai? Zuqc daix daic fai? Hnavgv Ging-sou fiev jienv gorngv, Weic meih yie ziangh hnoi zuqc mienh daix jienv yiem. Yie mbuo hnavgv zuqc ken mingh daix nyei ba’gi yungh nor. Yiem naaiv deix yietc zungv nzaic zingh, Giduc, dongh hnamv mbuo wuov dauh, bun mbuo hingh jiex nzengc. Yie sienx dingc Tin-Hungh hnamv mbuo yaac maiv maaih haaix nyungc haih nqaevq ndutv bun ninh maiv hnamv, maiv gunv ziangh fai daic, fin-mienh fai mienv, haaix nyungc maaih lingc maaih qaqv nyei, ih zanc cuotv daaih nyei sic fai nqa’haav hingv nyei sic, yiem gu’nquaaic lunglunh fai ga’ndiev ndau nyei, fai haaix nyungc zeix daaih nyei maanc muotc. Tin-Hungh longc mbuo nyei Ziouv Giduc Yesu biux mengh ninh hnamv mbuo yaac maiv maaih haaix nyungc haih nqaevq ndutv bun Tin-Hungh maiv hnamv.*